

續資治通鑑長編
(136冊)



續資治通鑑長編卷十八

宋 李燾 撰

太宗

太平興國二年春正月丙寅命禮部員外郎賈黃中左補闕程能左贊善大夫馮瓚分掌左藏三庫先是貨泉與金帛通掌歲久儲蓄盈羨始命分之謂侍臣曰朕以涼德繼守鴻圖凡機務邊事皆奉行先帝成規不敢輒有改易然財貨充溢勢須別置官吏使各專其職耳黃中尋出知昇州嘗案行府解見一室扃鐃甚固命發鑰視之得金寶數十櫃計其價直數萬萬乃李氏宮閣中遺物未著於籍卽表上之上曰非黃中廉恪則亡國之寶將污法而害人矣賜錢二十萬

黃中知昇州不得其月日據本傳在二年

今附見於此徐度國紀載之二月庚子不知何據也

五代藩鎮多遣親吏往諸

道回圖販易所過皆免其算既多財則務為奢僭養馬

至千餘匹童僕亦千餘人國初大功臣數十人猶襲舊

風太祖患之未能止絕於是詔中外臣僚自今不得因

乘傳出入齎輕貨邀厚利并不得令人於諸處回圖與

民爭利有不如詔者州縣長吏以名奏聞又申禁藩

鎮補親吏為鎮將自此但以牙校為之亦有宣補者禁藩

侯不得補親吏為鎮將本志及會要並載於此年實錄乃無之今因禁臣僚與民爭利附見其實開寶三年五月已

禁矣

上初即位以疆宇至遠吏員益眾思廣振淹滯以資其

闕顧謂侍臣曰朕欲博求俊乂於科場中非敢望拔十

得五止得一二亦可為致治之具矣先是諸道所發貢

士凡五千三百餘人命太子中允直舍人院張洎石補
闕石熙載試進士左贊善大夫侯陶等試諸科戶部郎
中侯陟監之於是禮部上所試合格人名戊辰上御講
武殿內出詩賦題覆試進士賦韻平側相間依次用命
翰林學士李昉扈蒙定其優劣爲三等得河南呂蒙正
以下一百九人庚午覆試諸科得二百七人竝賜及第
又詔禮部閱貢籍得十五舉以上進士及諸科一百八
十四人竝賜出身九經七人不中格上憐其老特賜同
三傳出身凡五百人皆先賜綠袍鞞笏錫宴開寶寺上
自爲詩二章賜之唐時禮部放榜之後醵飲於曲江號
曰聞喜宴五代多於佛舍名園周顯德中官爲主之上
命中使典領供帳甚盛第一第二等進士并九經授將

作監丞大理評事通判諸州同出身進士及諸科竝送吏部免選優等注擬初資職事判司簿尉寵章殊異歷代所未有也薛居正等言取人太多用人太驟上意方欲興文教抑武事弗聽及蒙正等辭特召令升殿諭之曰到治所事有不便於民者疾置以聞仍賜裝錢人二十萬興文教抑武事此據稽古錄賜進士宴在己巳先解褐在壬申得十五舉進士在辛巳注官在三月戊子今并言之都不書日實錄所載人數與國史志不同今從本志或云太祖之幸西京也洛陽人張齊賢獻下并汾富民封建敦孝舉賢太學籍田選良吏懲姦謹刑十策太祖召見便坐問之齊賢以手畫地條陳太祖善其四策齊賢堅執其餘策皆善太祖怒令衛士拽出及還語上曰我幸西京惟得一張齊賢我不欲遂官爵之汝異時可收以自輔也於是齊

賢舉進士上決欲置之高等而有司第其名適在數十

人後上不悅乃詔進士盡第二等及九經凡一百三十

人悉與超除蓋爲齊賢故也

此事據魏泰東軒記刪修亦未知信否故稱或云且

兩存之更俟詳考

齊賢通判衡州時州鞠劫盜十餘皆論死齊

賢始至爲辦理存活者五人獄官及知州事恐懼譴責

齊賢曰齊賢初成一名豈欲委罪眾人而自爲功乎第

令改正而已自江陵至桂州有水遞鋪夫凡數千戶皆

漁樵細民衣食不給湘江多巨潭險石而程限與陸鋪

等或阻風濤陰雨率被笞捶齊賢言其事詔每鋪夫各

減半吳越王俶遣其子溫州刺史惟演來修貢賀登

極

先是諸州掾曹及縣令簿尉皆吏部南曹給印紙厯子

外或別給公據壬申詔罷公據申明書厯之制上以
權課未均遣使分詣諸州與長吏同裁定及募高貲人
主之

癸酉以商鳳爲東上閤門使上在藩邸時鳳居典客之
任踐祚之五日陳從信以右知客押衙爲西上閤門使
樞密承旨程德元以藥院押衙爲翰林使陳贊以弓箭
庫官爲軍器庫副使王延德以監厨爲御厨副使鳳時
在病告中及是愈乃有是命延德東明人也商鳳未見
陳贊亦未見

見

乙亥賜鄉貢進士孔世基同本科出身襲先聖之後也
丙子宰相國寺還御東華門觀燈
己卯吳越國王妃孫氏卒詔給事中程羽爲弔祭使

庚辰詔以美名易禁軍舊號鐵騎曰日騎控鶴曰天武
龍騎曰龍衛虎捷曰神衛

五代以來諸方割據罪人率配隸西北邊然多亡投塞
外誘羌戎爲寇己丑詔自今當徙者皆配廣南勿復隸
秦州靈州通遠軍及沿邊諸州邕州言廣源州蠻酋

坦綽儂民富

案宋史作坦綽農民富

以僞漢時所置十州首領詔

敕來獻欲比七源州內附輸賦稅而思琅州蠻蔽塞使

不得通願朝廷舉兵誅思琅州詔授坦綽儂民富檢校

司空

案宋史作檢校司空御史大夫上柱國

令廣州轉運使徐道招來之

徐道未見

辛卯幸講武池

以新龍興寺爲太平興國寺

初江

南諸州官市茶十分之八餘二分復稅其什一然後給

符聽其貨鬻商人旁緣爲姦踰江涉淮頗紊國法轉運使樊若冰請禁之仍增所市之直以便民

李煜舊用鐵錢於民不便二月壬辰朔若冰請置監於昇鄂饒等州大鑄銅錢凡山之出銅者悉禁民採竝取

以給官鑄諸州官所貯銅錢數盡發以市金帛輕貨上供及博糴麥銅錢既不渡江益以新錢民間錢愈多鐵

錢自當不用悉鑄爲農器以給江北流民之歸附者且除銅錢渡江之禁詔從其請民甚便之

鑄鐵錢爲農器別本實錄見七

月丁亥今然煜用兵際權宜調斂若冰恐奏以爲常賦

並書之

民頗怨懟若冰少貧賤嘗爲豫章富人洪氏所辱心恨之既而洪氏掌本郡權酤負煜時歲課鐵錢數百萬若

冰悉收銅錢洪氏幾至破產

案樊若冰宋史作樊若水屢見前第十五卷及第十

癸巳吳越王俶遣使來修時貢

命戶部員外郎兼侍御史知雜事雷德驤提點開封府
管界鹽麴商稅課利

甲午建鄂州永興縣爲永興軍 契丹遣使來賀上登

極賀正

右千牛衛上將軍李煜自言其貧乙未詔賜錢三百萬
煜雖貧張洎猶勾索之煜以白金類面器與洎洎意歉
然時潘慎修掌煜記室洎疑慎修教煜素與慎修善自
是亦稍疏焉

初比部郎中張全操慷慨敢言外事太祖甚寵遇之命
知靈州委以邊事全操部送歲市官馬賂所過蕃族物

粗惡戎人恚怒不受全操捕得十八人殺之沒入其兵
仗羊馬戎人大擾朝廷遣使齎金帛撫賜其族與之盟
始定上怒召全操下獄鞫之丁酉決杖流海島全操江
東人也全操當時乾德四年知光化軍進羨利者西山巡檢郭進言北漢
胡桃寨指揮使史溫等四十四戶二百四十五口內附
戊戌詔京朝官出知節鎮者借紫知防團刺史州及通
判竝借緋罷日依舊以鎮東軍安撫使知越州錢儀
爲慎瑞師等州觀察使仍知越州宣德軍安撫使知湖
州錢信爲新媯儒等州觀察使仍知湖州儀信皆吳越
王俶之弟儀好晝寢多以夜決府事及游宴信嘗爲僧
後反初服因其請而有是命蓋執政者戲之也上爲
晉王時左屯衛上將軍張鐸嘗假錢百六十萬於是詔

悉貰之

己亥吳越王俶以山陵有期遣使來修賻禮

庚子上改名吳詔除已改州縣職官及人名外舊名二字不須迴避

壬寅大宴崇德殿不作樂

乙巳幸新鑿池賜役卒三萬五千人千錢布一端遂幸講武池宴射玉津園

丙午始分西川爲東西兩路各置轉運使副使兵部郎中許仲宣爲西路轉運使考功員外郎滕中正爲東路轉運使中正北海人也

丁未占城國遣使來貢方物有司言江南諸州權茶

準敕於緣江置權貨諸物百姓有藏茶於私家者差定

其法著於甲令匿而不聞者許鄰里告之賞以金帛咸有差品仍於要害處縣法以示之詔從其請凡出茶州縣民輒畱及賣鬻計直千貫以上黥面送闕下婦人配爲鐵工民間私茶減本犯人罪之半權務主吏盜官茶販鬻錢五百以下徒三年三貫以上黥面送闕下茶園戶輒毀敗其叢株者案叢株文獻通考作叢樹計所出茶論如法有司又言煮鹽之利以佐用度非申明禁法則豪民專之山澤之出不能盡征於王府矣應江南諸州先通商處悉禁之凡烏土鹵水民竝不得私煮鹽差定其罪著於甲令其諸處池監監臨主者盜官鹽販鬻以規利亦如盜煮鹽之法其通商禁法等處及西路青白鹽各相伺察不得令私鹽侵奪公利犯者自一兩至二百斤論

罪有差於是比乾德之禁增闌入至二百斤以上煮鹽

及主吏盜販至百斤以上蠶鹽入城市五百斤以上竝

杖背黥面送闕下宋朝要錄其民間食鹽州縣吏量口

其請先是官鹽貸於民蠶事既畢即以絲絹償

官謂之蠶鹽其食鹽令民隨夏秋賦租納其直

初右監門衛率府副率王繼勳分司西京殘暴愈甚強

市民家子女以備給使小不如意即殺而食之以樗櫟

貯其骨出棄於野外女僧及鬻棺者出入其門不絕民

甚苦之而不敢告上在藩邸頗聞其事及即位會有訴

者亟命戶部員外郎知襍事雷德驥乘傳往鞠之繼勳

具伏自開寶六年四月至今手所殺婢百餘人乙卯斬

繼勳於洛陽市并斬女僧八人洛陽民二輩皆為繼勳

強市子女者長壽寺僧惠廣嘗與繼勳同食人肉上令

先折其脛然後斬之民皆稱快

戊午宰臣薛居正沈倫盧多遜樞密使曹彬楚昭輔各
賜錢五百萬銀三百斤宣徽南院使潘美北院使王仁
鎬各賜錢三百五十萬銀二百斤

己未詔劉鋹李煜常俸外增以它給 賜齊王廷美絹

萬匹錢五百萬武功郡王德昭絹五千匹錢五百萬興
元尹德芳絹三千匹錢三百萬

庚申賜殿前都指揮使楊信馬軍都指揮使党進銀各
六百斤殿前都虞候李重勳馬軍都虞候李漢瓊步軍
都虞候劉遇神衛左右廂都指揮使楊美銀各三百斤
美卽光美也

辛酉詔諸道所給幕職州縣官俸其物價當以時定勿

令虧損不充七分之數 新擬竇州錄事參軍孟蠻避

遠宦不之任詣匭自陳上怒命決杖流海島祖宗故事有引事惑

眾誣罔切害八字疑修書官潤色今從實錄

戊午幸太平興國寺遂幸造船務賜工徒人千錢布一端還幸建隆觀

太祖受禪文武五品以上皆得廕子弟上卽位諸道州府各遣子弟奉方物來貢上悉授以試銜及三班舊制以恩澤授散試官者不得同正官赴選於是新授試大理評事王懷挺張擢上言雖紆朝命未有選期願賜甄收許歸銓綜三月壬戌朔詔應授試銜等人特定七選赴集試銜有選白擢等始也

癸亥工部郎中侯陟言祠部給僧尼牒每通納百錢於